



REPUBLIKA E SHQIPËRISË
MINISTRIA E FINANCAVE DHE EKONOMISË
MINISTRI

Nr. 17835 Prot.

Tiranë, më 9.10.2019

URDHËR

Nr. 359, datë 9.10 2019

“PËR
PËRZGJEDHJEN E ANËTARËVE TË KËSHILLIT KOMBËTAR TË
KONTABILITETIT”

Në mbështetje të pikës 4 të nenit 102, të “Kushtetutës së Republikës së Shqipërisë”, të ndryshuar, pikës 1 të nenit 25, nenit 26 dhe pikës 1 të nenit 31 të ligjit nr. 25/2018 datë 10.05.2018 “Për kontabilitetin dhe pasqyrat financiare”, si dhe të nenit 16 të Vendimit të Këshillit të Ministrave nr. 505, datë 17.07.2019 “Për miratimin e rregullores së organizimit dhe të funksionimit të Këshillit Kombëtar të Kontabilitetit ” (*VKM nr. 505*);

Me qëllim: përzgjedhjen e anëtarëve të Këshillit Kombëtar të Kontabilitetit (KKK) sipas procedurave të përcaktuara në nenin 16 të Vendimit të Këshillit të Ministrave nr. 505, datë 17.07.2019 “Për miratimin e rregullores së organizimit dhe të funksionimit të Këshillit Kombëtar të Kontabilitetit”,

URDHËROJ:

1. Fillimin e procedurave për përzgjedhjen e kandidatëve për anëtarë të KKK që propozohet nga:
 - a) Shoqatat profesionale të kontabilitetit – 1(një) anëtar;
 - b) Dhomat e tregtisë (përfaqësues të njësive ekonomike të mëdha ose njësive ekonomike me interes publik) ose nga shoqata e bankave – 1(një) anëtar.
2. Përzgjedhja e kandidatëve për anëtarë të KKK, sipas pikës 1 të këtij urdhëri, kryhet nga një komision *ad-hoc*, i cili përbëhet nga:

• Z. Arian	Kraja	Sek.Përgj./MFE	Kryetar
• Znj. Drinalda	Ajazi	Përgj.Sek./MFE	Anëtar
• Znj. Evis	Dino	Sek.Përgj/UDHT ✓	Anëtar,

dhe kryen këto detyra:

- Njofton fillimin e procedurave (konkurrimit) të përzgjedhjes së kandidatëve të përcaktuar në pikën 1 të urdhërit;
 - Shqyrton dokumentacionin e paraqitur nga kandidatët dhe bën vlerësimin e kandidatëve sipas mënyrës bazuar në kërkesat e posaçme të parashikuara në nenin 3 të rregullores së organizimit dhe të funksionimit të KKK-së, miratuar me VKM nr. 505;
 - Harton listën e kandidatëve që plotësojnë kërkesat e përcaktuara në këtë urdhër, të shoqëruar me një relacion përmbledhës së bashku me rekomandimin për kandidatët përzgjedhur;
 - I rekomandon ministrit të Financave dhe Ekonomisë për miratim, listën e kandidatëve të përzgjedhur.
3. Njoftimi i konkurrimit për anëtar sipas pikës 1 të këtij urdhëri, përmban të dhënat, si më poshtë:
- a) Një përshkrim të shkurtër të kompetencave e të funksionit që mbulon do të mbulojë anëtari;
 - b) Kërkesat për pranimin e kandidatëve;
 - c) Listën e dokumenteve që duhet të paraqiten, vendin ku do të paraqiten dhe afatin deri kur do të paraqiten dokumentet;
 - d) Mënyrën dhe kohën kur do të shpallet lista e kandidatëve që do të kualifikohen.

Njoftimi publikohet në faqen zyrtare të ministrisë së Financave dhe Ekonomisë, në Buletinin e Njoftimeve Zyrtare të Qendrës së Botimeve Zyrtare dhe në faqen zyrtare të Këshillit Kombëtar të Kontabilitetit.

4. Kandidatët, që do të aplikojnë sipas pikës 1 të këtij urdhëri, do të dorëzojnë në Ministrinë e Financave dhe Ekonomisë, dokumentacionin e mëposhëtm:
- a) Kërkesën me shkrim;
 - b) Kopje të pasaportës ose kartës së identitetit (ID);
 - c) *Curriculum vitae*;
 - d) Rekomandime që vërtetojnë figurën e pastër morale dhe autoritetin profesional të kandidatit;
 - e) Kopje të noterizuar të librezës së punës;
 - f) Kopje të noterizuar të diplomës;
 - g) Kopje të noterizuara të dëshmimeve e të certifikatave të trajnimeve e të kualifikimeve pasuniversitare;
 - h) Dëshminë e penaltetit.

Dokumentet e përcaktuara në shkronjën “g”, të përfituara jashtë vendit, duhet të jenë të legalizuara, sipas legjislacionit në fuqi.

5. Afati i dorëzimit të dokumentacionit është brenda 15 (pësemëdhjetë) ditëve pune nga data e shpalljes së njoftimit.
6. Afati i shqyrtimit të dokumentacionit, vlerësimit, hartimit të listës së kandidatëve që plotësojnë kërkesat e posaçme dhe relacionit përkatës, si dhe paraqitja e listës për miratim nga ministri i MFE, kryhet nga komisioni *ad-hoc*, brenda 10(dhjetë) ditëve pune nga data e mbylljes së afatit të dorëzimit të dokumentacionit.
7. Përzgjedhja e kandidatëve nga Komisioni *ad-hoc* do bëhet në bazë të dokumentacionit të paraqitur nga kandidatët pranë MFE duke vlerësuar:

- | | |
|---|---------|
| a) Arsimi | 35 pikë |
| b) Përvoja profesionale në fushën e kontabilitetit dhe auditimit ligjor | 35 pikë |
| c) Kualifikime në fushën e kontabilitetit dhe auditimit ligjor | 30 pikë |
8. Fillimin e procedurave për përzgjedhjen e kandidatëve për anëtarë të KKK që propozohet nga:
- a) Organizata profesionale e auditimit ligjor - 1(një) anëtar;
 - b) Ministria përgjegjëse për financat (MFE), ku njëri prej të cilëve është përfaqësues i strukturës përgjegjëse për administrimin e të ardhurave – 3 (tre) anëtarë;
 - c) Bordi i Mbikëqyrjes Publike – 1(një) anëtar.
9. Në rastin e anëtarit që përzgjidhet sipas pikës 8 të këtij urdhëri, institucionet përkatëse respektive duhet të paraqesin drejtpërdrejtë kandidaturat pranë MFE , brenda 15 ditëve nga data e shpalljes së këtij urdhri. Këto institucione janë përgjegjëse për plotësimin, nga kandidaturat e paraqitura për miratim nga ministri përgjegjës për financat, të kërkesave të posaçme, të parashikuara në pikën 10 të këtij urdhri.
10. Kërkesat e posaçme që duhet të përmbushë një kandidat për të qenë anëtar i këshillit janë, si më poshtë vijon:
- a) Të ketë edukim në fushën e kontabilitetit dhe/ose financës;
 - b) Të jetë ekspert në teorinë dhe metodologjinë e kontabilitetit (me titull /gradë) dhe, të paktën, 5 (pesë) vitet e fundit të jetë i përfshirë drejtpërdrejt në këtë fushë; ose praktikues i licencuar në fushën e kontabilitetit prej jo më pak se 10 (dhjetë) vitesh; ose praktikues i palicencuar në fushën e kontabilitetit prej jo më pak se 15 (pesëmbëdhjetë) vitesh;
 - c) Të ketë figurë të pastër morale dhe autoritet të njohur profesional.
11. Ministri i MFE, jo më vonë se 5 (pesë) ditë pune, miraton anëtarët e KKK, nga lista e kandidatëve të propozuar sipas pikës 1 dhe 8 të këtij urdhëri.

Ky urdhër hyn në fuqi menjëherë.

MINISTËR

Anila DENAJ